

ORDENANZA REGULADORA DA TAXA POR EXPEDICIÓN DE DOCUMENTOS ADMINISTRATIVOS.

I.- FUNDAMENTO E NATUREZA

Artigo 1º.- No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, Reguladora das Bases de Réxime Local, de conformidade co disposto nos artigos 15 a 19 e facendo uso da facultade que lle concede a letra a, do apartado 4 do artigo 20 do RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais, este Concello establece a taxa pola expedición de documentos administrativos, que se rexirá pola presente Ordenanza.

II. FEITO IMPOÑIBLE

Artigo 2º.- Constitúe o feito imponible da taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a Administración ou Autoridades .

Artigo 3º.- A estes efectos, entenderase tramitada a instancia de parte calquera documentación administrativa que teña sido provocada polo particular ou redunde en beneficio aínda que non mediase solicitude expresa do interesado.

Artigo 4º.- Non estará suxeita á taxa a tramitación de documentos e expedientes necesarios para o cumprimento das obrigas fiscais, así como as consultas tributarias, os expedientes de devolución de ingresos indebidos, os recursos administrativos contra resolucións municipais de calquera índole e os relativos á prestación de servizos ou realización de actividades de competencia municipal e a utilización privativa ou aproveitamento especial de bens de dominio público que estean gravados por outra taxa municipal ou polos que se esixa un prezo público por este Concello.

III. SUXEITO PASIVO

Artigo 5º.- Son suxeitos pasivos da taxa en concepto de contribuíntes as persoas físicas e xurídicas e as entidades a que se refire o punto 4 do artigo 35 da Lei 58/2003, de 17 de decembro, Xeral Tributaria, que soliciten, provoquen ou en cuxo interese redunde a tramitación do documento ou expediente de que se trate.

III. RESPONSABLES

Artigo 6º.- Ós efectos de recoñecer ós responsables solidarios e subsidiarios da obriga tributaria, estarase ó disposto no establecido na Sección 3ª do Capítulo II do Título II da Lei 58/2003, de 17 de decembro, Xeral Tributaria.

IV. DEVENGO

Artigo 7º.- Devéngase a taxa e nace a obriga de contribuir cando se presente a solicitude que inicie a tramitación dos documentos e expedientes suxeitos ó tributo e xunto a mesma deberá ser adxuntado o correspondente impreso validado pola entidade bancaria.

Artigo 8º.- Nos casos a que se refire o artigo 3º, o devengo prodúcese cando teñan lugar as circunstancias que provean a actuación municipal de oficio ou cando ésta se inicie sen previa solicitude do interesado.

V. EXENCIÓNS

Artigo 9º.- Non se concederán máis exencións que as expresamente previstas nas Leis ou as derivadas da aplicación de Tratados Internacionais.

VI. CUOTA TRIBUTARIA

Artigo 10º.- 1. A cuota tributaria determinarase por unha cantidade fixa sinalada segundo a natureza dos documentos ou expedientes a tramitar, de acordo coa tarifa que contén o artigo seguinte.

Artigo 11º.- A cuota de tarifa corresponde á tramitación completa, en cada instancia, do documento ou expediente de que se trate, desde o seu inicio ata a súa resolución final, incluída a certificación e notificación ó interesado do acordo recaído.

Artigo 12º.- A tarifa a que se refire o artigo anterior estrutúrase nos seguintes epígrafes:

		IMPORTE €
EPÍGRAFE PRIMEIRO:	a) Cédulas urbanísticas e informativas relativas ó planeamento urbanístico	10,00
CERTIFICACIÓNS	b) Certificacións catastrais literais de bens inmobles e certificacións catastrais descritivas e gráficas	10,00

Artigo 13º.- Non se concederá ningunha bonificación na cuota da taxa.

VII. NORMAS DE XESTIÓN

Artigo 14º.- A taxa por expedición de documentos esixirase en réxime de autoliquidación, debendo o suxeito pasivo, no momento de presentar a correspondente solicitude, acreditar-lo ingreso do importe total estimado da débeda tributaria, a conta da liquidación que en definitiva corresponda.

VIII. INFRACCIÓN E SANCIÓN

Artigo 15º.- En todo o relativo a infraccións tributarias e as súas distintas clasificacións así como ás sancións que ás mesmas correspondan estarase ó disposto na Lei 5/2003, de 17 de decembro, Xeral Tributaria.

DISPOSICION FINAL

A presente Ordenanza entrará en vigor e comenzará a aplicarse no momento da súa publicación no BOP.

Publicada no BOP de 12/05/2008
